

Galicia Encantada



ANIVERSARIO
2005  2025
Enciclopedia de Fantasia Popular de Galicia

Seres míticos

CATEGORÍAS RELACIONADAS

Un cruceiro para escorrentar os trasnos

Segundo nos informan os autores do valiosísimo inventario de [Cruceiros do concello de Vilalba](#) o cruceiro do lugar do Foxo, parroquia de Corbelle, concello de Vilalba (Lugo), ergueuse en 1891 para escorrentar a un demo que se aparecía por alí.

O cruceiro, que pertence á Casa de Aurelia Chao, ten a plataforma, a base, o capitel e o fuste de cantería, e a cruz de ferro.

Ao parecer, o demo, un demachiño ou demontre, un [demo rumudo](#) (por como fala) ou trasno, aparecíaselle alí a unha veciña do lugar. Unha vez fíxolle burla. A muller perdera un carneiro e cando o atopou colleuno ao lombo para levalo para a casa. Mais ao pasar polo Foxo, a muller ía cansa e quixo descansar, así que cando quixo pousar o carneiro, este falou e dixo:

Póusame a modiño e non me rompas o meu caralliño!

E ao dicir isto, o carneiro desapareceu.

Para que non volvese a suceder, e non volveu, ergueuse alí o cruceiro que agora vedes na fotografía.



BIBLIOGRAFÍA

ARRIBAS ARIAS, F., BLANCO PRADO, J. M. e SAAVEDRA PÉREZ, M. *Cruceiros do concello de Vilalba*, Instituto de Estudos Chairegos, Vilalba, 2011. pp. 148-150.